

當陽縣志卷三

建置志

城池

城所以保民池所以保城方城漢水全楚之形勝則然非所論於一邑當邑負山阻水城小而固介乎荆宜之交為川楚衝要昔人所稱用武之國則城池又不僅一邑之保障也夫設險守國政之常經預備不虞古之善教金湯之籌在守土者深加意焉志城池

當陽縣志

卷之三

建置

城池

一

城周六百四十丈有奇高二丈厚丈二尺門四東曰紫蓋南曰鳳川西曰玉陽北曰清漳樓櫓亦四其北曰仲宣樓敵臺守舖各七水門五皆甃以甃石城西北跨玉陽山東南以沮水玉泉為池西北則引真武港水環之明成化間鄖陽劉石之亂州同知嚴端

通志

陽作

築土垣廣一里袤一百二十步尋圯知縣姜英復

築之正德中知縣劉瑄始甃以石北瀕沮水築石磯以障之水怒輒嚙城隆慶間知縣張松疏河故道捍以長隄水患稍弭議修城未果萬歷三年守道

通志  
作參

議

王琬巡道

通志作  
僉事

鄧林喬知府趙睿詳請拓築董

其事者署縣事經歷任夢榛知縣方岳也崇禎七年甲戌寇薄城以女牆低故陷九年知縣區懷瑞增築女牆浚濠而深之

國朝順治二年闖賊餘孽高李等踞西山中再陷城毀

為平址十二年知縣唐彥袞修復規模粗具歷久易

圯

以上  
舊志

康熙四十四年署縣事縣丞張士祺重修雍

正五年以後知縣王仲桂周垂典相次補葺乾隆二十四年知縣苗肇岱詳請增修大浚城濠闊二丈深

當陽縣志

卷之三

建置

城池

二

一丈長六百九十丈嘉慶元年教匪之難官兵攻擊

城多隳壞二年知縣汪雲銘重修

以上通志

咸豐元年知縣董文煜募貲重修浚濠深如舊八年

知縣黃鐘鳴補葺

以上新增

街衢附

正街在縣署前自東門至西門

南門街自南門至正街

北門街自北門至大奎閣

玉陽街在署後自玉陽山下至北門街

府館街在署前自照牆外至城

雲路在學宮前

新雲路在大奎閣南

新修

董家巷在縣署西自玉陽山至西門正街

當陽縣志

卷之三

建置

街衢

三

草街自東門外至龍神祠

順城街自西門外至漢忠烈祠

子龍街自西門外至長坂坡

河街自北門外至北關廟

津梁附

邑之渡有六曰沮河曰漳河曰合溶曰涓溪曰黃鵠

曰蘇河舊志又乾溪義渡咸豐中增設

邑之橋見舊志者十有二曰官橋即在張飛北五里處相傳

說在倒是流橋曰玉陽元在至治大西間一建里曰太平在治西曰

三里在治東南七里明曰朝天在治東曰謝河在治

五里曰普通在治二年六月十日明曰普濟在治北六十三年

重曰洋子港在合萬歷時景泰四年典史張曰倒流在

北六十里據輿地紀勝曰順化曰玉虹今可基址

當陽縣志 卷之三 建置 津梁 四

補遺者五曰真武在治西曰伍公曰萬善在治東南

曰上板曰下板在合溶相傳

新建者八曰雙虹二橋在治東四十里曰鴻德在

市巖邑自起領建宗曰起鳳在涓曰玉龍在官墻宗邑

市巖邑自起領建宗曰起鳳在涓曰玉龍在官墻宗邑

市巖邑自起領建宗曰起鳳在涓曰玉龍在官墻宗邑

官地坐西門外每年租錢共七貫零備修四門吊橋

之資續舊志

附載桑林總豁免夫馬碑示

當陽縣正堂何 爲查案立碑以垂永久事據桑林總鄉保江必學邵士裔程啟敷老民張開卜艾純一江必堯陳應宗具稟桑林一總地窄民稀內有瓦窑烏溪二港乃通安襄大道凡遇 上憲按臨必須穩搭浮橋奉前縣衛諭令該總上三甲搭修瓦窑港下三甲搭修烏溪港李南生搭修涓溪河各浮橋其應差夫馬均免僱覓給有印照在案恐事遠年湮易於朦混應請立碑垂久等情前來

當陽縣志

卷之三

建置

津梁

又四

據此查該總居民既須幫搭浮橋自未便分僱夫馬照稟批示外合行勒石曉諭爲此仰該總士庶人等知悉嗣後門戶差役以及鄉保甲長仍照舊一律輪當倘逢 上憲按臨該總保甲督同業戶修搭上下浮橋毋許貽誤其應用夫馬永免僱備各宜凜遵毋違特示

見續舊志

公署

古者布政聽訟之所謂之公廨漢晉以來曰廳事唐曰州宅今之公署其義一也當邑屢遭兵燹公署之廢興因之歷年增修規模悉備矣出則聽政入則退食戴星胡以勞鳴琴胡以逸因時制宜存乎其人牧民者勿以公署爲傳舍焉可志公署

縣署舊在玉陽山東南半里明洪武元年知縣祁守道徙治萬城十三年知縣魏忠徙復舊治自是知縣

當陽縣志

卷之三

建置

公署

五

張義劉理相繼增修其制則正堂廳事三楹西偏爲贊政廳軒前爲露臺兩翼爲六房而承發司舖長司居東架閣庫居西前爲儀門儀門之西爲賓館東爲土地祠祠東舊爲預備倉天啟中知縣胡如川徙倉於賓館之後以其地爲武廟三義祠然圉居東賓館居西迎賓於倉禁之間非制也崇禎甲戌正堂燬署縣事經歷張維然修復

國朝順治二年以後公署全燬正佐皆視事合溶八年

士民捐修捲棚三間玉枝棚三間內衙十餘間

按即署

地知縣句延齡始視事城中十二年知縣唐彥裘增修捲棚二間六房十二間皂隸棚二間順治十七年知縣朱景辰修寅賓館仍舊處康熙三十三年知縣俞廷瑞修坐樓五間三堂三間儀門三間雍正七年知縣王仲桂補修頭門儀門捲棚大堂乾隆二年知縣全沆請帑修理及科房六間捐修上諭牌坊一座以上舊志嘉慶元年教匪之難署多隳壞二年知縣汪雲銘重修道光三十年知縣董文煜重修上諭牌坊一座凡頭門坐樓花廳以次補葺咸豐八年知縣

當陽縣志

卷之三

建置

公署

六

黃鐘鳴增修東書房三間十年知縣任道鎔重修內書房三間  
照牆一座 頭門三間 儀門三間 大堂三間  
川堂三間 二堂三間 坐樓五間 坐樓東廚房三間 坐樓西書房三間 坐樓前左右廂房各三間 二堂東書房南北各三間 書房東廂房三間 二堂西花廳三間 花廳西小書房三間 二堂前左右門房各三間 大堂前左右科房共八間 儀門內左右班房共六間 儀門東土地祠三間

倉廩十間在署東 詳見倉儲

庫房一間在大堂西

監獄在儀門外西南隅

典史署在縣署西自縣署頭門內側入 舊在嘉慶時西門內

巡檢司署在河溶同治二年募貲新建按巡檢舊在

漳河口明成化時都御史白圭奏設

國朝乾隆六年知縣仝沆以河溶界接江陵五方雜處

詳准移防以資彈壓

分防千總署在玉陽街按署舊在西門內玉陽山之

當陽縣志 建置公署 卷之三 七

西南嘉慶元年燬後詳准將故址變價移建於玉陽街至今因之

按舊志載布政司按察司行臺俱在縣署東府館在署南明萬歷時知縣李啟元以按察司行臺故址作學宮地以布政司行臺爲察院府館今廢又縣丞主簿二署舊在縣署東明時員已汰基址久廢申明亭旌善亭明成化年建今廢陰陽學舊在縣東醫學舊在縣西今俱廢

坊表 附



上諭坊在縣署儀門內道光三十年建

德配天地道冠古今二坊在泮池左右咸豐九年建

甄重建

沮漳雅化玉紫清風二木坊在縣門左右

節孝總坊在東門內節烈祠前咸豐十一年建

按舊志載坊表二十曰希聖曰育賢在左右宮前曰承

流曰宣化曰沮水澄波曰滇蜀通衢俱在左右門曰承

宣曰撫字在布政臺前曰激濁曰澄清在按察臺前曰冬官

為劉謙建曰奉直大夫為張濬建曰清朝御史為劉煥建曰五馬

當陽縣志 卷之三 建置 坊表 八

為何建曰聯捷進士曰理卿廉憲為李讓建曰凌雲為向安治

建曰鵬程為何建曰應奎為倪孝儒建曰騰蛟起鳳為朱玉建

今俱廢

雜建 附

大奎閣在 文廟東南為城內適中之地明天啟間

縣令胡如川建崇禎間邑庠梁耀汪士傑重修

國朝以來屢有補葺同治四年邑令阮恩光倡捐重

建甃石為基承以石柱頗增舊制高出城堞矣

三元閣在城外東南今廢

文峰塔在治東南十六里科甲冢上咸豐八年邑令黃鐘鳴相度其地倡捐重建共七級高九十九尺空其中螺旋而上可眺江漢亦勝景也塔東建一祠宇奉祀文昌而守之以僧形家謂塔作辰戌二門上元中元宜開戌門下元宜開辰門云青雲塔在東門外演武場東嘉慶元年廢迴峰塔在治東南五里玉泉入沮處地名三里港嘉慶元年廢

育嬰堂在東門內雍正十三年知縣仝沆建今圯

當陽縣志

卷之三

建置

雜建

九

養濟院在東門外乾隆二十四年知縣苗肇岱重建演武廳在東門外廳前爲演武場又前有照牆一座乾隆中重建

隄防

當邑西北多山東南多水萬壑奔赴匯爲沮漳夏秋泛漲輒爲民患昔人有言爲政勿言興利但思除害害除而利斯溥夫害在水潦則利在隄防矣因民之所利而利之雖勞不怨牧民者宜深加意焉志隄防

鄭公隄在北門外按邑因岡爲墉北臨沮水值羣流奔赴匯爲洪濤往往越故道嚙縣城城外之民不能安堵明嘉靖壬辰知縣劉瑄於城外東北捍以

當陽縣志

卷之三

建置

隄防

十

石磯數年而圯隆慶庚午知縣張松於河北二里許疏故道自西口至東口袤千五百弓抵舊河徑達合溶於南岸築長隄廣十丈高二丈又築新隄於城之西北約三百五十弓高廣如前萬歷間隄稍決知縣鄭汲加修鞏固民享其利因以名隄天啟間河又決知縣胡如川增修至今賴之

舊志

六隄在沮漳會流之西爲滋泥沙倒二總民命所關在沙倒總者曰麥城曰沙倒曰羅家灣在滋泥總者曰細魚曰滋泥曰菜湖合之爲六隄

一麥城右衛軍隄八十五丈民隄二百九十六丈  
一沙倒灣右衛軍隄一百七十二丈二尺五寸民隄  
六百六十七丈七尺五寸

一羅家灣民隄八百五十四丈五尺右衛軍隄十三  
丈

一細魚港右衛軍隄五十丈荆衛軍隄九十丈民隄  
八百四十二丈

一滋泥湖左衛軍隄十二丈右衛軍隄二百五十二  
丈荆衛軍隄九十丈民隄一千四百零六丈

當陽縣志

卷之三

建置

隄防

十一

一菜湖荆衛軍隄六百三十七丈民隄一百七十八  
丈

以上六隄肇自明成化時 國朝康熙年間奉文  
著爲定章官督民修按畝派夫軍隄責成軍戶民  
隄責成民戶每年勘明詳報豁免軍需雜徭勒石  
豎沙倒總 以上舊志

滋泥垸隄在滋泥總之西上自細魚隄首起蜿蜒而  
西沿滋泥港而南至菜湖隄尾止長三千餘丈高  
五六尺歷年既久圯於水同治乙丑邑令阮 督

居民加修高廣倍於舊上防山溪積潦下防江水  
逆行與六隄相爲脣齒居民德之增

三區在沮漳東岸上區對麥城沙倒中區對羅家灣  
下區對細魚港通名三區官雖督率並未結報每  
農隙後飭令隄長糾集居民於單薄處所各按段  
如式修補一有潰缺通區協力搶築又漳河俗名  
東河沮河謂之西河閔家場一帶逼近東河地處  
低窪水患不能全除至土橋謝柏花栗各總西河  
直流兩岸居民均行築隄漸弭水患矣續舊志

當陽縣志

卷之三

建置

隄防

十二

荆隄在魚兒總濱臨川江江陵在其下流嘉靖間江  
水兩決荆民漂沒無數萬歷初當事者以本邑旣  
隸承天護隄之民不切痛癢乃將前隄內除九百  
五十丈仍屬當陽其李家埠一帶一百九十丈召  
民朱依二等一百二十八戶居其上責令修守准  
免兩縣門差本縣尉每歲勘驗遂爲成規乾隆五  
十三年萬城隄潰荆州軍民漂沒更甚五十四年  
總督畢親詣勘明命居民新修大支隄接連馬  
山長五千二百六十二弓以衛荆隄委前令萬

勘估督理飭縣居民看守兩隄亦照前豁免雜徭隄之在合溶者明萬歷初水決曹家口引沮水旁洩壬子歲漳水亦西潰與沮水合於上流五里許故道遂竭貿遷不通歲戊申知縣李啟元築曹家口障之旋潰乙卯知縣李一陽謂兩河並築狂瀾難挽置曹家口獨濬漳河遵故道邑庠謝曰源李公溥殷芝等募貲集事道光初永興菴隄復西潰引漳水旁流故道再竭十六年知縣王朝柑募貲修築高廣倍於舊排漳水遵故道至今便之

當陽縣志

卷之三

建置

隄防

十三

附載沙倒滋泥二總豁免差徭碑記

康熙五十九年知縣王國禎詳稱縣屬山河雖與濱襄瀦漢之害不同而水自沮漳而下有麥城菜湖等處六隄約一萬一千弓有奇自奉禁止協修而六隄盡歸湖民修築歲逢山河水漲獨力加修不無繁苦是以歷任前令查湖糧百碩有零除正供而外概與豁免今據隄民張孟涵等請詳勒石總期垂久遠以杜將來變更相應具文申詳俯念六隄工力皆湖民獨任其勞 恩賜勒石永豁免將

來徭役俾修築得有專責安陸府張 批仰候巡  
憲批示繳荆南道殷 批仰安戎府同知確查妥  
議詳報戎府李 行縣轉詳遵查得麥城菜湖等  
處共一萬一千弓原係闔縣照畝派夫協修及奉  
禁協派之後歲歲防護凡有加幫挽築皆歸沙倒  
灣滋泥湖二處獨任其責在二處之田僅糧一百  
石零九斗五升三合田較通邑不無窪下故有沙  
倒滋泥之名其近河田地逐年外受崩洗內受挖  
壓而正供錢糧既與山田同一輸納一有外派未

免利害不均是以前令倣別屬漁租河糧疲租尾  
糧之免例止令納其正賦凡遇軍供雜役悉與開  
豁乃容或有之之預計耳隄民張孟涵等具詞請  
勒石使垂久遠並非此時有軍供雜徭而求免一  
例派差者也今遵將永免雜派緣由開具六隄工  
程並田畝糧數相應具文詳覆憲台俯念沙倒滋  
泥之名地非膏腴可知糧碩無幾有六隄歲修之  
勞雜徭業經前令允其豁免應請勒石永禁仰乞  
轉詳批示遵行戎府轉詳荆南道荆南道殷批外

派雜徭久經嚴禁而沙倒灣滋泥湖二處獨任加幫挽築之責尤當永行開豁以甦民力如詳行縣勒石用垂永久仍取其碑摹報查繳既雍正元年知縣王復以陋規申詳按察司批據沙倒滋泥二處隄工原係居民自行修築並未動支錢糧典史喬起蛟藉稱查驗需索陋規雖審無過付即自認三錢五分亦屬贓私應即斥革究擬但事在

恩詔以前姑從寬免仍嚴行申飭以觀後效敢再肆行無忌即行詳請斥革並飭該縣嗣後親行查驗毋

當陽縣志

卷之三

建置

隄防

十五

得再委典史致滋擾累並干參咎仍取嗣後不得再行苛剝委查各遵依據報繳

按六隄之民自

國初到今一切軍供雜徭俱經各前縣豁免雖曰率由舊章殆亦實見獨力修築民力難支云

附載魚兒總豁免差徭碑記

當陽縣正堂黃 爲請示勒石以垂久遠事據魚兒總生監符光廷謝世安蕭韻張汝謨唐士賓何士瑄劉維俊等呈稱緣生等魚兒總之隄因離荆



尙遠江陵之民難於防護上憲定議借當之民守  
荆之隄准免一切雜徭載在邑志乾隆五十三年  
萬城隄潰荆隄外復修大支一隄接連馬山保障  
舊隄總督畢 仍飭令總民看守欣逢福星臨邑  
久荷覆照已准入志爲此稟懇賞准勒石以誌不  
朽等情據此除批示外查此隄關係甚重前奉  
文飭令該總里民逐年撐幫好爲看守准免一切  
差徭久經遵行在案茲據前情合行出示曉諭爲  
此示仰軍民人等知悉嗣後凡遇一切差徭概行

當陽縣志

卷之三

建置

隄防

十六

准免永爲定例各宜凜遵毋違特示

續舊志

塘堰 附

堰九十二其爲一名者曰古曰舊曰平曰舊汊曰香  
新曰雙莫曰孤生曰放生曰天生曰邊曰長冲曰小  
門曰倒流曰倒流橋曰長流陂曰高草曰蒲草曰假  
草曰深曰藕曰蒼葉曰葛藤曰大蓮曰新蓮曰小蓮  
花曰大蓮花曰黃沙曰金沙塘曰黑冲曰黃土曰蘇  
水曰清水曰白水曰尖山曰峯山曰雲陂曰海曰牛  
角曰鷹子曰鴨兒溪曰石板曰牛車曰拖鎗曰半工

墉曰官火燒墉曰瓦子汊曰瓦窰曰窰安曰岩屋墉  
曰馬家曰易家曰于家港曰周二港曰樊家墉曰鞏  
河曰馮橋曰姚溪曰石龍其爲名一而再見者曰深  
曰長曰長流曰邊山曰蓮花曰河曰三汊曰桑林名  
一而三見者曰大曰草曰青谿曰香爐在一處凡四  
見者曰新終焉皆官地明天啟間知縣胡如川奉文  
變價充餉

舊志

當陽縣志

卷之三

建置

塘堰

十七